

Abonnement pour un an
350 Piastres
Edition spéciale. 500 ptrs.

Adresse:
«Idjtihad» Constantinople

Téléph. St. 865
XXIII ème ANNÉE
1 Novembre 1927, No 239

اجتهاد

علمی، ادبی، اقتصادی، صناعی، صحی مجموعہ

آبونمان : سنہ لکھی [24 نسخہ]
تور کیا ایچون 2 بچق، خارج ایچون
3 بچق، اعلا کاغدا یسی 5 لیرادر.

ادارہ خانہ سی :

جفال اوغلندہ « اجتهاد ٹہوی »

تلفون : استانبول ۸۶۵

یکرمی اوچنچی سنہ

نومرو ۲۳۹-۱ تشرین ثانی ۹۲۷

تأسف

[*] فلسفه‌سازلی

«فرانسه انقلاب کبیری» خلیفک ارادتتی نأله ایتمشدی. یکی انقلابچیلرمن دخی خلقی تجیل ایدیور، کوکلره چیقاریورلر؛ فقط خلقدن «متعصو و شعورلو پوله تاریا» وصفیه توصیف اولونان بر نوع آریستو قراسیا، برنوع صنف بخبا تفریق ایدیورلر. بویکی سانحه Conceqt سایه‌سندنه حریتی، اجماع‌امتی وبتون دموقراط شعار فتوحاتی استخفاف ایدیورلر.



«سیندیکالیزم» ک امتی طرفندن قبول ایدیلن درشت دیسیلین، سیندیکالیزم که قادر استبدادکار اولاجاغنی کوسته‌یر.



دموقراط شعار تکاملک نهایی فردک اسارت تامه‌سندنه منجر اولایاجاغنی؛ سوآلی انسان کندی کندیسندنه صوره بیلیر.



ا کر «سیندیکا» لر، یالکز مائل منافع مادیه علاقه‌دار لرینی طوپلاسه‌یدی تأثیرلری ضعیف اولوردی؛ فقط خوشنود. سزقلاری وکیلری جمع وتوحید ایده‌ره انقلاب کار بیوک بر شوکت وقدرت قازانیرلر؛ آتینک اکتهلکه‌لی نزاغلی دایماریقب قوملر آره‌سندنه تکون ایده‌جک دکدر، منفعتلرک آیریلایسی نتیجه‌سی اولاراق یکدیگرلرینک رقیبی اولان عینی قومک مختلف سیندیکالری آره‌سندنه تکون ایده‌جکدر. قرون وسطانک «سیندیکالیست» جمهوریتلری ازجمله فلورانس جمهوریتی بری بری آرقه‌سی صره، هپ بونوعدن منازعلر یوزندن محو ومنقرض اولمشدرلر.



ا کر سوسیالیستلرک طلب ایستکاری «یروله تاریا» دیشق‌اتور. لکی، بتون ایشچیلر طرفندن اجرا ایدلمک ایجاب ایسه‌یدی، علی‌العاده دموقراط شعار برحکومتدن فرقی اولمازدی. یالکز برقاچ شخص طرفندن اجرا ایدیلنجه اسکی اوتوقراط شعار، مطلق العنان نهج اداریلرک عینی اولور.



عقل نظرینک نظریاتیجیلری، بونظریاتی اداره اقوامه تطبیق ایچون تجربه‌لرندن نمون قالمادیلر. (ژان ژان روسو) نک انجیلنه کوره حیزفعله چیقان انقلاب کبیرک تجربه‌سی «ته‌رور» ته‌دهیش قتل‌عاملرینه منجر اولدی، (قارل مارکس) انجیلندن ملهم اولان روسیا انقلابی تجربه‌سی، جارلرک بیوک ایبراطورلغنک خرابیت نامه‌سینی انتاج ایستدی.

[*] یاقینده طبع ایدیلجک اولان معروف لسیقولوغ و اجتماعیات عالمی حکیم (کوستاو لوبون) ک تازه بر کتابنک ترجمه‌سی (عملی روحیات) آدلی جوهرین وکهربار برکتابدن مفرز فقره‌لردر.

اجتهاد عائله تحریریه‌سندن دوقتور عبدیل حسنی بکک جکر یاره‌سی کوچوچک پرتو، دوچار اولدینی بوغماجه اوکسو. روکندن رهایاب اولامایارق دون ایشام معصوم روحی عازم دار جنان اولمشدر. تسلیت ناپذیر تالم و تحسر ایچنده قالان کدر دیده رفقمز عبدیل بکه و عائله محترمه‌سندنه بتون صمیم قلبمزدن تعزیت وکدرلرینه اشتراک ایدرز. بوسیله ایله‌پدرینک صوک خطابه مؤله‌سینی آتی‌یه درج ایدیورز.

*
* *

پرتوی سوه‌نلره پرتوگ صوک سلامی، صوک پوسه‌سی

پرتو، یالکز بنی، باباسنی سودیکنی سوبیلن، اصرار ایدن، بنم و بتون اونی کورنلرک سوکیلیمی عزیزیاورو... اوکا نه اولدی:

او، اوچ سنده اوتوز یاش یاشادی و اولدی. اونک روحی بنم قلبمده دفن اولوندی. و بنم روحم اونک جسمنه، تیزه‌لرینک مفتون اولدینی جانلی و آریستلیک تبسمه‌باغلی اوله‌رق قارا طوبراقلره کومولدی و قاراردی.

او تبسم که تیزه‌لرندن برینک او حالنده ایکن بر پوسه آیه تلطیف ایدیلش، آنه‌سندنه تودیع ایتدیکی حالده آرتق آنه‌سی اوکا باقه‌یه او تبسمی کورمه‌یه مقتدر اولامامشدی. و آنجق بنم روحم او تبسمی درآغوش ایتدی.

— پرتو اوغلم نعلسک: — اییم بابا.. افاده‌سینی سسنگ خفیلکی تصدیق ایتمه‌ور.

— بابا بنی قوجاگکه آل یوقاری‌یه یتاغمه‌ه چیقلم.

— کل اوغلم.. سکا بوآرابی کیم آلمش اوغلم..

— بابام آلمش، عموجه‌م کتیردی.. عموجه‌مده اوطوموبیل آلمش...

— پرتو صو ایچرمیسک — ایچم... صو ویرک!...

آنه‌سینی قورقوتان، شاشیرتان بر صارصینتی بش ساعت دوام ایدن مطرد بر ایکلی.. حرکت یوق.. یاپیلمه‌سی ممکن هرشیئه دوام.. احتضار.. بر دامله صو و پرتو یوق... آقدی، اوچدی، کیتدی.. بر دامله صو بر طوفان اولدی، پرتوله کیتدی. پرتوی‌ده بزدن قوباروب کوتوردی.

پرتوی سوه‌نلر! پرتوگ جانی ایچون، یانمش یوره‌کلرکیزه بر دامله صو....

عبدیل حسنی